

# ЛЕНИН ПАИТ ХУВАТ

КПСС ХАНТЫ-МАНСЕЙСКОЙ ОКРУЖКОМ ПА АВТОНОМНОЙ  
ОКРУГ МИР ДЕПУТАТАТ СОВЕТ ГАЗЕТА  
[Этэ 1-мит ноябрь 1989-мит ол вуш эвалт]

№ 44 (2189)

ВТОРНИК

7

НОВАБРЬ  
1989 ОЛ

Тыңл 1 вух.

ВУЛАНГ ОКТЯБРЬ ПУНШАС МИРА  
ИИЛУП ИИС, ИИЛУП ВОЛУПСЫ. ИНА,  
ОЛАНГ ОЛАТН ЯМ ВЕРАТН ХОТЛАС  
УВАС МУВ МИРАТ ВОЛУПСЫН. МАН-  
САТ ОЛАТ, ОКТЯБРЬ ХОЛУМТУПСЭТ ХУ-  
ЛТЫ ХАСЬСАТ. ШЕНГК АР ВЕВТАМ ВЕР  
ЮХТАС ХАНТЭТ ПА МАНСЕТ ВОЛУП-  
СЫЯ.

ИН МОСЛ КАШИНГ ХОЯТА НЕТТЫ.  
ЛОЛН ИИЛПА ВУЛАНГ РЕВОЛЮЦИЯ ХО-  
ЛУМТУПСЭТ ВОЛУПСЭВА АТ КАЛЭМАС-  
АТ, ИИЛПА ВОЛУПСЭВ АТ ЛЫЛАНГЛАС.

## МИР ПИСЬМАЙТ

### Волты сир антом

СССР Верховной Со-  
вет хо Е. А. Айпин нэма  
юхтылас письма Никита  
Иванович Тайбин эвалт.  
Лув ханшилас си оланги,  
хути нэмалт сир антом  
волты, мухалая энумлат  
буровойт, муват нух ке-  
ратсайт, шуши мир во-  
лупсы пела исат вурел  
антом...

Си письма мунг киты-  
ялсэв Сургутской райис-  
полкома, сялта сахат си  
тамась ясанг китсат Е. Д.  
Айпина.

Наиг китум письмаен  
хуват мунг янгхсүв Тай-  
бин Никита Иванович  
волты тахия — сит Тап-  
Ягун, Пимской юхьенгк  
лавалты ех 688 квартал  
мува. Мунг комиссияевн  
восат И. Д. Кечемов —  
Сургутской райисполком  
Увас мув мират верат  
тоты отдел ух хо, И. Е.  
Коровина иси отел ин-  
структор, А. А. Дроздец-  
кой — «Записбигпрозем»  
институт Ханты-Мансий-  
ской экспедиция мув ме-  
ритты инженер, Т. И. Ме-  
льчакова — Лянторской  
Совет инструктор нэ,  
Н. М. Муфхарова —  
Пимской юхьенгк лавал-  
ты нэ, В. Д. Денисова —  
«Лянторнефть» нефть па  
газ каншты мув меритты  
нэ. Комиссия эх артась-  
мел па вантмел юлийн ии  
нумаса па йи ясанга пит-

сат, муй Тайбин Н. И.  
ханшилас, ситат исат  
ситы си воллат.

1988 ол Н. И. Тайбин  
буровойт лув мухалая  
волтэл вуранган каслас  
кат километракема, ел-  
лы манты сир антом, ся-  
та хонганг нёрум. Лув  
волты тахели нувалапа  
машинаятн хувелты, во-  
нсья русят янгхлат, вол-  
ты тахел исат пайлы няй-  
лэл, лыв юпелн вонсью-  
мут ант хасьл, тулах ант  
хасьл. Вулы тайты сир  
па антом, лантат исат  
пасахат кератлайт.

Топ йилуп тахия кас-  
лас, геологат йилпа лув  
хонггала омассат Р-1014  
буровойт, сит вос Тайбин  
корт эвалт топ йи кило-  
метра вушн.

1989 олу июнян лув  
волты мувал мухты по-  
стасы кеван пунум йош  
верты ДНС-18 вонта,  
Н. И. Тайбин мув исат  
нефтяникатн ёша пават-  
са, си мув лывела масы  
1987 олу 16 ноябрьн обл-  
исполкомн «Лянторнефть»  
нефть па газ каншты ёха.

Сит пата си Тайбин  
Н. И. па йи пуш касалты  
ястас, 150 километраке-  
ма Пим юхан тый пела.

Ин си вуранган комис-  
сия эх ясанг этлгасат,  
хутыса лувела нетты,  
муй арат вух сухулаты  
йилуп тахетн волупсэл  
олнгатты па волты пата.

И. Кечемов,

## Ас мувев тынанг эви



Суматовш район Шекурья корти сэма  
питас Клавдия Васильевна Афанасьева  
(Сайнахова). Лув волупсэл — иса Увас  
мув мират няврэмат иты вос. Сирн си  
нерумн энумты кашинг варс, турн, ка-

шинг ай юханые, вурты хумсат, лув лан-  
танг вон лапет иса кеша самала ханша-  
нсьат. Манси мирал арат, монсьят, иис  
пуграт, экшансьюпат лув самал хошма-  
лат.

Тамась хоят ант вератл мирал эвалт  
йирн волты, мирал па лув йи самн, йи  
волупсийн волланган.

Энмас, вонлгылас, вол, ропитл манси  
нэигне Клавдия Васильевна лангыты  
йорали, иса тахийн калупсанга верлап  
маклат. Ноплат топ кутуп арткем, а  
лув педагогической наукайт кандидат  
нэм холумтас, манси ясанги этты «Лу-  
ма сэрипос» газета эслас волупсыя, ар  
хоята нётас волупсы йош пириты, нявре-  
мат пата эмась кингайт эслас.

Нэмалт оса арт ант тайл Клавдия Ва-  
сильевна, лув волупсэл талантл рот ми-  
рал лыл олты сира тайлалэ.

Там вон Емангхатл мунг дуплув ям  
вуся ясанг, лолн Ас мувев тынанг  
эви Клавдия Васильевна Афанасьева па  
ар ям вер ат верас округ мирев пата,  
исат ал хулалат самал хошум, лыпел  
каврум, таланга яма ат эмалтлаллэ  
эвнел. Янг па вутанг волупсы йош нан-  
гена, тынанг хоят!

М. Вагатова.

Хурн: К. В. Афанасьева.

Н. Гордеева верум хур.

## ХАНТЫ ЯСАИГ ВОИЛТАЛАТ

Нижневартской рай-  
исполкомн манты пйтсат  
урокайт. Райисполком ко-  
ся В. С. Соидыков ясанг  
сирн тата ропитты ёх  
питсат воилтаты ханты  
ясанг.

Воилтаты нэнга питас  
Р. Ф. Меркулова, там нэ  
Корляки корти няврэмат  
воилтал ханты яснгела,  
си тухалли ханшал Вах  
хантэт ясанги букварь.  
Ин лув елпела ванкутлы  
пасапантан омаслат вон  
хоятат.

— Мунг эвалтэва шимл  
хоят топ вол кат-холум  
ханты ясанг, хол муй ол-  
анги пугар манл. — Лув  
нас райисполкомн кося  
лангкар хо В. А. Андре-  
ев. — Итохат кортата  
лыв юхатлат па топ вуся  
верлат. Там пуш 9 май  
емангхатл мунг постасэв  
Охтеурье корти. Омас-  
сум ма пасан хонанги па  
шимл ясанг уша версум.  
А сита волты Совет кося  
хо В. Бурундуков — русь,  
лув тоса воллэ ханты я-  
санг па иса кортанг мир

нила пугартал, сирн лув  
саманга тайлы. Ясанг  
воилтаты вер иса ропат-  
неклуви вана вусы.

Нижневартской рай-  
он — нефть вуты вон та-  
хи. Тата ар ханты корт  
вол, хута шуши мир  
хул, вой велпаслалат.  
Лув ар пугар, ясанг тай-  
лат, лыв яснгели пугарт-  
ты мосл иса советской  
ропатнеката.

П. Юрьев.

## Ювра верат пила ешасьл...

Августн шуши мирлув  
оланг съезд вос. Си пур-  
айн си оланги мир холан-  
тсат округ радио хуват.  
Ситы си хатлатн ар хоят  
лыв оса си вон мирхота  
юхтасат.

Лыв кутэлн Егор Иль-  
ич Нахтымов. Там хо хо-  
лум тал рутсэл топ юлн  
омасты морум ант тайл,  
лув хул вел па си кутн  
государствая мал.

Там муй лув пугартал:

— Ма сэма пйтсум  
1931 олу Ханты-Мансий-  
ской район Чага корти.  
1947 ол вуш эвалт ро-  
питсум юхьенгк вер ох-  
тыйн Ханты-Мансийской  
район Выкатной корти.  
Си юпи олатн ма вонл-  
тылсум советско-пар-  
тийной школайн. Ма яма  
номлэм, хути мир сьста-  
ма тайсэл вошел, вусты  
лыпатат эмалтсат, вус-  
ты юхат омассат, ин па  
си лыв лольлат вошел

хурамман. Волтэм нолат  
хуват хул велты саманг  
восум. Ин куш рутсэлум,  
иламли худ таклы вол-  
ты сирем антом.

Имисанги мин холум ня-  
врэм эмалтсаман. Вон  
пухем Владимир, ропитл  
Ляминской РЭБ хуси ка-  
питац-механика, лув ар-  
миян служыта Гер-  
манской Демократиче-  
ской Республикайн, эв-  
емн Галина, етшуптас

Тюменской медицинской  
институт, лув ин няврэм-  
ат амалты тохтура Тю-  
меньн ропитл. Ай пухем  
Николай, лув милицияйн  
Тюменьн ропитл.

Ма ин Выкатной корти  
воллум. Рома омасты  
морум ант тайлум, ювра  
верат пила ешасьлум.  
Лунги хул вуты потум хо-  
пат шенгк шимл энган  
пунлайт, сит шенгк вев-  
там, лывела лэпал 12

тонна энгк, а лыв шави-  
лат топ 3 тонна энгк,  
сирн си вер сайн шенгк  
ар хул льяллат. Ситы  
Базьяны корти 20 тонна  
хул льялгасат. А мунг лу-  
плув — мувевн лэтут ант  
тармал. Хути саты ситы  
рахл. Ситы лываса волты  
ант рахл. Хульева ситы  
ки пйтлув ропитты па во-  
лты мувев тасят иса нар-  
тамлы си вошлат.

Т. Себурова.

# Мирев волупсы топ мунг нух алумлэв

Там путар олгал лунгалн газета 42 номерн.

Си юлийн пйтсат путартты арсыр ёх.

**А. А. Матхирова** — Долгано-Ненецкой [Таймырской] автономной округ КПСС округком эвалт волум нэ:

— Мунгева мосл верты симась нэпек, лолн сялта сит пила ропитты мир яма волты сира. Мунг хулыева журнал, сирн мосл кутэвн яма волты, янгхты тывелт-тухелт.

**А. С. Ардеева** — Ненецкой окрисполком шуши мират отдел кося:

— Мунг журнал холум округн воллув, мосл кутэвн янгхты. Мосл верты тухлангоп пант Дудинка — Салехард — Печора — Нарьян-Мар. Си тухалпи мосл эсалты юрн янгхтн йи газета холум округ саты. Ма сиремн мосл пуншты Москвайн Увас мират культура хот. Няврэмлув вошатн волты хуа волллат. Мосл янгхты волнтыялты па мувата, мет шопанг Увас мувата. Увас мират Всероссийской съезд сора-шак якатты. Сялта верты мувев луваттын округат хатлат.

**Ямальской район Яр-Сале Совет кося Н. К. Вануйто:**

— Мунг мирев кутн воллат симась ёх, хойтат хешлат кося волты. Кося ёх пириты пурайн куш хой пирилы, топ юрн антом. Сыры иты ант тайлдув волты хотат, волуп-

сы суртат нух лэсаяты ёх вевтама ропитлат, Советлук кося ант воллат лыв мувелн.

**Н. Н. Ядне Надым** эвалт путартас волты тахи, прописка олангн. Мосл вуськаты катра верат ропатайн, мосл кося ёх па депутатат пириты ар хоят эвалт.

**Хул велты хо И. Салиндер Ямальской район Исвий перт эвалт.**

— Мир ин ант эваллат партия, Советата, профсоюзата. Юрн мулды хоят эвалт ки вохал, топ йи пуш, кат пуш, холум пуш. Па ант пилт вохты. Ситы лув сэтэла вод, нэмхоятн ант нётлы, пилт яньсыты. Асэв мув лот иты йис, йингал яньсыты сир ант тайл. Тюмень шенгк хувн мунг эвалтэва вод, нётуп хуа лавалты, мосл мулды верты.

**Шурышкарской район Гэрки совхозн тутангоп янгхты хо Д. И. Толяров:**

— Асн янгхты тутангоп хопат холылат йингк тэмдалал. Шенгк шимл вух вулат шуши мир, мув-автэв шукатты ёх — ар. Хсн вонты сит пилт? Шуши мир няврэмат хул кон яма волнтыяллат, хоя си вер ант артмал, си хоят аг, ропитл. Тюмень вош мунг рувевн си омаслы, а мунг кортлук хурасал. Мосл мунгева пилтасыты Ханты-Мансийской автономной округ пила, яка верты область.

**Тазовской район эвалт А. В. Салиндер лупас, хуты нёрум мув шукатлы, а сит йилпа этты сира**

мосл 40—60 тал. Муй иты нёрум мув ям сира тайты? Журнат вулэт лавалты ёх, лыв каслман янгхлат нёрмат хуват. Лыв мет иси мевл пос иты малыйт 5—10 метра парсинан, а юрн хота мосл 70 метра парсин, 50 вулы сух.

**Ямальской район Яр-Сале эвалт няврэмат волнты хо А. В. Пушко.** лупас, хуты кашинг ол шимл хоят кутлуп школа етшупталат. Ар хоят воштылгийт. Школа-интернат шенгк нушайт. Мосл интернат верты няврэмата кимит хота. Няврэм сята тайл топ улты тахи, волас, тумбочка ант тайл, сирн лув топ курн лоль, нурийн омасты ант рахал, хотхарийн — вевтама. Лэл топ сэй хуват. Юнтты пура ант тайл. Интернат волупсы казарма хурасуп.

**Няврэмат волнты хо В. Ядопчина Аксарка** эвалт путартас ангки-аси ант тайты няврэмат олангн, хуты лыв тывелт-тухелт янгхлат, волты тахи ант тайлат.

**Н. Е. Сухарина Красноселькупской район эвалт лупас, хуты совхозн 170 вулы пушас эма пйтсат сэмы. Янгхты нохлат тынылыит топ браконьерата. Питы вухсара, лэпкат эмалты ёх хотлал си рахнемалат.**

**Тухлангопн янгхты хо И. В. Ламдо:**

— Шенгк ар НИИ ропитсат Увас муват охтыин. Ситы мир холсат Ямбург, Уренгой олангн.

А ванан воллат журнал, мата утат совхозэл эвалт ант малыйт хотн, ропитты сухн. Мунг ропитлув пурмас таллюман, мисат толув, а ханнхойт толыит пелки баржаятн кат-холум хатл мар.

**Хул велты хо Т. Н. Ядне лупас, хуты мир эвалт хул план вохлы, вера и си.** Си хул сора хон веллы. «Советской Россия» экспедиция 1,5 тылассе вос там волупсийн па муй арат лыв олгелн ханшсы, а мунг волтэв нопат хуват тамиты воллув.

**Няврэмат волнты хо И. С. Хэно лупас, хуты социализм пурайн мирев юхтас там нуша волупсыя, шенгк ар сурум.** Мирев ант номаслат Увас мират олангн. Капиталистат мирел олангн тамиты хон номаслат. Округев колония хурасуп. Мув илли тась каншты ёх, муй нын тыв тостан! Мунг мирев кеши мува ант лоньсийлсат — ант рахал. А нын мув лакка хирсатн.

**«Нарьяна Нгэри» газета редактор Г. И. Тахоя лупас, иса юрн округат кнлгайт эсалты олангн, верты йи юрн газета, нэнгат верат олангн, мосл ант юрематы рот ясанг, культура.**

**В. П. Ругин, тохтур, лув лупас, хуты антом шуши мир эвалт кося тохтурат.** Тазовской, Приуральский, Ямальской район вон тохтурат мосл ропатаел эвалт хулт вуты, лыв верел ант па волэл. Кося ёха мосл воты Увас хоят пси-

хология. Вевтама волталыйт няврэмат медучилищайн. Лыв воллат интернатн, общежитияйн, сялта юрн хота жохатлат, мосл волнты.

**Медучилищайн волнтылты эви А. Ребась:**

— Мунг, корт па нёрум мув няврэмат па вош няврэмат, арсырат. Ясанг лув арсырат. Рот ясанг мосл волнты. Хулыева хон яма волнтыяллат. Мунг атма лапатлыов, йи хотийтн воллув 12 хоят, итохат хотхарийн уллат. Шимл стипендия вухн малыов, анкилув-асилув па шимл вулат.

Шенгк ар хоят там мирхотн путартсат, сит КПСС округком секретарь **Р. И. Ильина**, ученый нэ Ленинград пединститут эвалт **М. Я. Бармич**, шуши школайт НИИ научной сотрудник **Е. Г. Сукой**, облесполком шуши мират отдел кося **А. К. Ушаков** па па ёх.

Мунг сята вантсув Новосибирск кина верты ёх, оператор **Л. Б. Казачинский** верум кина «Ензеледэ, энзеледэ...» **А. Т. Лансуй** олангн. Лув ропитл радиовещание корреспондента, си саты вантасы Ямал шоканг мув.

Ассоциация кося пири-сы **С. Н. Харючи.**

Мунг войтантыйлсув КПСС округком, окрисполком кося ёх пила.

Там путрат холум хатл мар си мансат. Вон пелак мир си лупсат: мирев волупсы топ мунг нух алумлэв.

**Т. Себурова.**

## ОКРУГЕВ 60 ОЛ ЕСЯЛТ

# Шуши мувев русь ими

Вол Полноват вошн вон яовум ими. Лув яма волы хантэти па мансетн. Сит Прасковья Даниловна Соколкива. Там нэ сэма питас 26 октябрьн 1922 олн Октябрьской районан Новый нэмул кортыенан. Прасковья Даниловна лупат класс етшуптумал ювлийн Подольской педучилищайн юхтас волнтыялты. Училище етшуптас 1940 олн. Лув арсыр ханты ай вошатн ропитас учителя па воспитателя интернатн. Мет оланг холум ол ропитас Постнортн, сялта Матлыимн па ропитас. Си ювлийн Полновата па Ванзегата китса ропитты. 1960 ол вуш эвалт па 1965 ол вонта Касум вошн воспитателя па интернат кося нэнга вос.

Иса Прасковья Даниловна ханты мир школайтн па интернатн 35 ол ро-

питас. Лув эмалтас хот няврэм, тайл 13 хилы. Ин лув пенсийн вол, кашинг хатл лув хотла, лув пилала. волупсы нуват ол ангн путрематы волтум няврэмал юхтыйллат — сит ин школайн волнтыялты няврэмат анкет па асет. Кашинг сёс лув ин номасл си олангн, муй вуран лув ропитум ол лалн волтум школа па интернатн волум ханты па манси няврэмат яма восэл лыв шуши янгел, ант елэмасат ханты янгелан путартты па ванкутлы лыв хураманг ернаслал нух ломтыйлсат.

Прасковья Даниловна Соколкива пенсияя пйтмал ювлийн кос тайты маралн Совет ветеранат ух нэнга пириилса.

Тата лыв арсыр верат олангн путремалат: пирась ёх хотн маты олангн, тутьюхн тоты ол-

ангн па па мосты верат олангн.

Яма ар ол ропитмал пата Прасковья Даниловна мойласы арсыр Ишак нэпекатн. Манэма си нэпеклат ванлатас.

Там ими мунг шуши мувев русь ими. Сирн лув самала ван ханты па манси мирев волупсы. Сэма питум хатлала ар ям ясанг лангхалум лупты Прасковья Даниловная. Лув волтум па интернатн таюм няврэмалн нумасн войман тайла. Ма номлэм, хуты лув мунг пилэва вонсьюмут вонсьи янгхилас рутсыты хатлатн, интернат эвет русь хурам верты па волнтас. Кашинг няврэм пила яма, нявланка путартылас. Ям вуся нангена, шуши мувев русь ими, ар хоята нанг анкия йисн!

**Е. Рандымова.** Белоярской район.



ХУРН: ханты нэ Екатерина Петровна Поворожнюк, ропитл тохтура Нефтеюганскийн.

**Н. Гордеева** верум хур.

**Редактор М. ВОЛДИНА.**